




EINING-ÍÐJA

FÉLAGSBLAÐ

1. tölublað
27. árgangur
Mars 2024



Orlofsstaðir 2024
Sprawy urlopowe
Holiday matters



Útgefandi: Eining-Íðja
Skipagötu 14 - 600 Akureyri
Sími 460 3600 - ein@ein.is
www.ein.is

Ábyrgðarmaður:
Anna Júlíusdóttir.

Ritstjóri
Ásgrímur Örn Hallgrímsson

Forsíðumynd:
Ásgrímur Hallgrímsson
Sundlaugin á Illugastöðum
er opin yfir sumartímann.

**Blaðið er einungis
gefið út rafrænt.**

Frjálst er að nota efni úr blaðinu,
í heild eða hluta, þó þannig
að heimildar sé getið

Orlof 2024

*Einungis er hægt að sækja
um orlofshús og orlofsstyrki á
rafrænan hátt á Orlofshúsavef
félagsins!*

Ágætu félagar!

Enn og aftur er runninn upp sá tími ársins að huga þarf að orlofskostum sumarsins og sækja um Orlof að eigin vali og orlofshús fyrir sumaríð. Síðasti umsóknardagur fyrir sumarúthlutun er 2. apríl nk. og mun úthlutun liggja fyrir daginn eftir.

Í þessu rafræna orlofsblaði eru þeir möguleikar kynntir og ýmsar aðrar upplýsingar sem máli skipta fyrir félagsmenn sem hug hafa á að nýta sér þá orlofskosti sem í boði eru. Megin áhersla er eins og áður lögð á að kynna þau orlofshús og orlofsíbúðir sem félagið hefur til umráða og leigu til félagsmanna á komandi sumri. Sem fyrr býður félagið hús og íbúðir af mismunandi stærðum og gerðum, í mismunandi umhverfi og í öllum landshlutum.

Að venju eru félagsmenn einnig minntir á réttindi sín varðandi orlof, orlofstöku og orlofsuppbót. Þá verður sagt frá þremur orlofsferðum sumarsins, en nú þegar er reyndar orðið fullt í ferðina til Færeyja.

Umsóknir

Einungis er hægt að sækja um orlofshús og orlofsstyrki á rafrænan hátt á Mínum síðum eða orlofsvef félagsins. Í blaðinu má finna upplýsingar/skýringarmyndir til að auðvelda umsóknarferlið.

Hægt er að skrá sig inn með Íslykli eða rafrænum skilríkjum í síma eða á korti. Ef þú lendir í vandræðum við að senda inn umsókn getur þú fengið aðstoð á skrifstofum félagsins.

Ekki bara hús í boði

Að venju geta félagsmenn sótt um „Orlof að eigin vali“ og keypt ferðaávisun sem tryggir bestu kjörin á gistingu á hótelum og gistiheimilum um allt land. Einnig er hægt að nota ferðaávisunina upp í gönguferðir, en Ferðafélag Íslands, Útivist og Fjallafjör taka við Ferðaávisun

stéttarfélagana. Félagsmenn njóta sérkjara á völdum ferðum en einnig má nota Ferðaávisun upp í hvaða ferð sem er á vegum þessara fyrirtekja.

Enn og aftur verður boðið upp á að kaupa Veiðikortið og Útilegukortið á sérkjörum. Kaupa þarf kortin á rafrænan hátt, þá sendist pöntun til viðkomandi söluaðila sem senda kortin til félagsmanna.

Dýrahald bannað!

Af gefnu tilefni hefur verið sett inn í leigusamning að stranglega er bannað að hafa með sér hunda eða önnur gæludýr í orlofshús eða íbúðir félagsins.



Þó svo að orlofsblað félagsins sé á rafrænu formi þannig að allir geta nálgast það geta einungis félagsmenn sótt um þá valkosti sem í boði eru í sumar og fjallað er um í blaðinu.

Um leið og við óskum þess að sem flestir fái notið þess sem í boði er þá hvetjum við sem fyrr til þess að leigjendur og allir félagsmenn taki höndum saman um að ganga sem best um húsin okkar.

Munum; húsin er sameign okkar félagsmanna og ef allir umgangast þau í samræmi við það verður dvöl allra í þeim betri og ánægjulegri.

Allar nánari upplýsingar um orlofshús eru veittar á skrifstofum Einingar-Íðju, í síma 460 3600, ein@ein.is, á Mínum síðum eða orlofsvefnum.

Síðasti skiladagur umsókna er þriðjudagurinn 2. apríl, en úthlutun fer fram daginn eftir.

Þeir sem fá úthlutað þurfa að vera búnir að ganga frá greiðslu í síðasta lagi mánudaginn 15. apríl.

Miðvikudaginn 17. apríl kl. 10:00 verður opnað á netinu fyrir það sem enn verður laust.

Þá gildir fyrstur kemur, fyrstur fær. Einnig verður hægt að hafa samband við skrifstofu félagsins til að fá upplýsingar um lausar vikur.

Ritnefnd Einingar-Íðju óskar félagsmönnum alls hins besta í komandi orlofi og minnir á að ýmsar upplýsingar varðandi hús, ferðir og annað sem máli skiptir koma fram í blaðinu og því getur verið gott að hafa slóðina að því við höndina. Félagsmenn eru samt hvattir til að fylgjast vel með vefnum okkar því þar munum við setja inn allar nýjungar eða breytingar varðandi orlofskosti.

Ávísun á frábært sumar

Skráðu þig á orlofsvef félagsins og skoðaðu tilboð á frábærri afþreyingu og gistingu hjá mörgum af betri hótélum og gistiheimilum landsins.

Kauptu ferðaávísun og njóttu Íslands á sérkjörum.



Orlofsferðir Einingar-Iðju á árinu 2024

Hjá félaginu starfar ferðanefnd sem undirbýr og skipuleggur ferðir á hverju ári fyrir félagsmenn. Aðalfundur ár hvert kys fjóra félagsmenn í nefndina, en auk þeirra á formaður félagsins og í forföllum hans varaformaður, sæti í nefndinni. Undanfarin ár hafa verið í boði tvær til þrjár ferðir. Í ár eru þrjár ferðir í boði, uppsett er í ferð til Færeyja í september en hér fyrir neðan má lesa um hinar ferðirnar tvær.

Fjallaferð

Kerlingarfjöll

Farið verður í dagsferð í Kerlingarfjöll laugardaginn 24. ágúst 2024. Tekið skal fram að þetta er löng dagleið, ekki innan við 13 tíma ferð, og vegir ekki góðir hluta leiðarinnar.

Farið verður eins og leið liggur í Blöndudal og þaðan suður Kjöl í Kerlingarfjöll með viðkomu á ýmsum stöðum, m.a. Hveravöllum.

Hámarksfjöldi er 90 manns. Hafa þarf með sér nesti fyrir allan daginn.

Farið verður með rútu frá Akureyri kl. 8:00.

Leiðsögumaður verður með í för.

Ferðin kostar kr. 10.000 á mann. Innifalið er akstur, leiðsögn og áningargjöld.

Eins dags ferð fyrir aldraða félagsmenn

Húsavík-Ásbyrgi-Mývatnssveit

Hin árlega eins dags ferð fyrir aldraða Einingar-Iðjufélaga verður farin þriðjudaginn 2. júlí 2024.

Lagt verður af stað frá Akureyri kl. 9:00 og ekið austur til Húsavíkur. Þaðan verður haldið Tjörnesið austur í Ásbyrgi og svo verður farið upp að Dettifossi að sunnan. Þaðan haldið í Mývatnssveit og síðan til Akureyrar.

Snæddur verður hádegisverður í nágrenni Ásbyrgis og kaffi drukkið á Laugum.

Ferðin kostar kr. 8.000 á mann.

Allar nánari upplýsingar um skráningu og ferðatilhögun má fá á skrifstofum félagsins í síma 460 3600 eða með því að senda póst á netfangið ein@ein.is



Punktakerfið tryggir sanngirni

Það er mjög eftirsótt meðal félagsmanna Einingar-Iðju sem og annarra landsmanna að fá að dvelja í orlofshúsum í einhvern tíma í sumarleyfum eða á öðrum tíma. Því þarf að vanda til úthlutunar til þess að allrar sanngirni sé gætt.

Til þess að gæta sem mestrar sanngirni við úthlutun orlofshúsa og orlofsíbúða hefur félagið notað og þróað punktakerfi sem þykir hafa reynst vel. Hver félagsmaður vinnur sér inn einn punkt fyrir hvern mánuð sem hann greiðir til félagsins. Engu máli skiptir hve há upphæð félagsgjaldsins er í hverjum mánuði. Þeir sem síðan hafa safnað flestum punktum þegar kemur að úthlutun ganga fyrir þegar mikil ásókn er í húsin. Þegar félagsmaður fær úthlutað tíma í orlofshúsi dregst tiltekinn punktafjöldi frá inneign viðkomandi þannig að tryggt er að þeir sem fá úthlutað dvöl í orlofshúsi eru ekki áfram eftir á blaði, en halda þó auðvitað áfram að safna sér punktum fram að úthlutun næsta árs með því að greiða félagsgjöld.

Frádráttur orlofspunkta er mismunandi eftir tímabilum og eftir því hvað er leigt:

24 punktar fyrir tvær fyrstu og síðustu sumarvikuna.

36 punktar fyrir aðrar sumarvikur.

Allt að 18 punktar fyrir „Orlof að eigin vali“.

Orlof að eigin vali

Undanfarin ár hefur félagið haft í boði styrki sem kallast „**Orlof að eigin vali**“ og hafa þessir styrkir verið vel nýttir af félagsmönnum. Í ár mun félagið verja allt að kr. 8.100.000 í „**Orlof að eigin vali**.“

Félagsmenn geta sótt um 300 slíka styrki, hver þeirra er að upphæð kr. 27.000, og er styrkloforðum úthlutað eins og orlofshúsunum.

Sækja þarf um í síðasta lagi 2. apríl nk.

ATHUGIÐ! Einungis hægt að sækja um rafrænt, á Mínum síðum eða Orlofsvef félagsins. Þeir sem ekki hafa aðgang að tölvu eða eru í vandræðum með að sækja um á rafrænan hátt geta fengið aðstoð á skrifstofum félagsins.

Hægt er að nota fjárhæðina t.d. til leigu á orlofshúsi (ATHUGIÐ! ekki þau sem eru í eigu Einingar-Íðju),

hótelherbergi, tjaldvagni eða fellihýsi, flugfar innanlands eða erlendis, allt eftir óskum hvers og eins. Hámark á hvern félagsmann er eins og áður segir kr. 27.000, en þó aldrei hærra en 50% af kostnaði.

Dregnir verða 18 punktar af þeim félagsmönnum sem nýta sér alla upphæðina og hlutfallslega fyrir lægri upphæð. Greiðsla fer fram eftir að ferðalagi lýkur en félagsmenn þurfa að framvísa reikningi fyrir dvöl eða ferð.

„**Orlof að eigin vali**“ gildir fram til áramóta. Það þýðir að þeir sem fá úthlutað þurfa að koma með reikninga eða farseðla fyrir næstu áramót til að fá endurgreitt.

ATHUGIÐ! Framvísa þarf löglega númeruðum vsk. reikningum eða farseðlum!

LEIKHÚSFERÐ FYRIR LÍFEYRISÞEGA FÉLAGSINS

Sunnudaginn 24. mars nk. - Sýningin hefst kl. 14:00

Félagsfólki sem náð hafa lífeyrisaldri er boðið á gamanleikritið **Beint í æð** sem Leikfélag Fjallabyggðar sýnir í Tjarnarborg, menningarhúsi Fjallabyggðar.

Vinsamlegast skráið ykkur sem fyrst á skrifstofum félagsins eða í síma 460 3600.

Rútuferð frá Alþýðuhúsinu á Akureyri kl. 12:30, stoppað verður við skrifstofu félagsins á Dalvík á leiðinni til Ólafsfjarðar.

Akstur er einnig í boði frá Siglufirði og Grenivík.

Eftir sýninguna verður boðið upp á kaffihlaðborð.

Athugið! Um takmarkað sætaframboð er að ræða.

EINING-ÍÐJA STENDUR VÖRÐ UM RÉTTINDI ÞÍN!

460 3600 | ein@ein.is | www.ein.is | minarsidur.ein.is

Skipagötu 14 Akureyri | Hafnarbraut 5 Dalvík | Eyrargötu 24b Fjallabyggð



Holiday matters

The first issue of this year's union magazine is devoted to matters pertaining to holidays and the holiday chalets the union has at its disposal for renting out to its members. Members may apply for the rental of a holiday chalet for one week at a specified location and since many often apply for the same location, it is a good idea to apply for different places and/or times as alternative options, up to nine of which are permitted.

The holiday chalets are then allotted based on a credit system which the union has developed. Each member who pays in to the union receives one credit point per month, regardless of job ratio or the amount paid in union dues. If more than one person applies for the same chalet at the same time, the one who has accumulated the largest number of credit points is first choice.

Then, to ensure that those who are not successful in renting a chalet have a better chance next time they apply, a special number of points is deducted from a union member who rents a chalet. The number of deducted credit points varies per time and other factors. The deadline for applying for holiday chalets is April 2.

Online application

You have to apply online for a holiday chalet or holiday grants („vacation of your own choice“) on our webpage www.ein.is (Orlofshúsavefur). You use your online identity card („rafræn skilríki“) or „Íslykil“ to log in.

If you have any problems our staff at the office Eining-löja will be glad to assist you.

A vacation of your own choice

Eining-löja has decided to spend up to kr. 8,100,000 on an item entitled „A vacation of your own choice“ during 2024.



Union members can apply for 300 such grants, to the amount of kr. 27,000 each; the grants are allotted on the same basis as the holiday chalets. The deadline for applying „A vacation of your own choice“ is April 2.

The grant may be used, for example, to rent a holiday chalet, a hotel room, a tent trailer or a fold-up camper as part-payment towards a holiday in Iceland or abroad, depending on personal wishes and interests. Maximum grant to individual members is, as indicated above, kr. 27,000 with the proviso that the amount never exceeds 50% of actual cost.

Members who receive a holiday grant have 18 credits deducted for those who make use of the total grant and proportionally for lower amounts. The grants are payable after the end of the holiday tour and members who have been promised a grant are required to present an invoice relating to stay or travel expenses for the amount to be paid out. „A vacation of your own choice“ is effective until the end of the year. That means that those who are allocated need to bring invoices or tickets for next year to get reimbursed.

PLEASE NOTE! You must present legal, numbered business invoices!

The right to take a summer vacation

Everyone is entitled to a vacation; a minimum vacation is to be 24 working days. If an employee falls ill during vacation, the period of illness is not counted as vacation, on condition that the employee prove by doctor's certificate that he/she is not able to take a vacation. Notification to a superior is to be made immediately, by phone or telegram, in case of illness or accident during vacation.

We wish all our union members a pleasant holiday and ask at the same time, to take good care of the houses. Remember that these houses and facilities are owned by the union members and therefore, they should always leave the houses in good, clean condition.

Why have Trade unions?

The role of trade unions is first and foremost to conduct negotiations on wages and other work-related conditions in the agreements on behalf of their members and to look after their interests on the labour market.

MAKE SURE THAT YOUR RIGHTS ARE IN ORDER

PLEASE NOTE!

It is always possible to consult the local union representative in your workplace and you are of course welcome to contact Eining-löja, tel. 460 3600 – ein@ein.is, if you need assistance. www.ein.is

Sprawy urlopowe

UWAGA! W roku bieżącym ubieganie się o mieszkania lub domki będzie możliwe jedynie w formie elektronicznej.

W tym wydaniu naszego biuletynu informacyjnego piszemy głównie o sprawach urlopowych dotyczących m.in. domków i mieszkań, które związek zawodowy „Eining-Iðja” ma do zaferowania swoim członkom w nadchodzącym okresie letnim.

Członkowie naszego związku mogą ubiegać się o przydzielenie domku lub mieszkanie na jeden tydzień w nadchodzącym okresie letnim. Oferowana jest także dopłata do tkz. "Tygodnia według własnego wyboru" („Orlof að eigin vali“). Jako, że wiele osób ubiega się o przydział domków lub mieszkań w tych samych miejscach i tym samym czasie, to zachęcamy do zróżnicowania swoich preferencji dotyczących wyboru.

Przy okazji chcemy przypomnieć, że członkowie naszego związku, którzy wynajmują mieszkania lub domki ponoszą pełną odpowiedzialność za wszystkie podążające za wymienionymi nieruchomościami przedmioty i urządzenia; takie jak meble, wyposażenie wnętrz, urządzenia kuchenne itd.

Przed opuszczeniem domku konieczne jest jego dokładne posprzątanie.

Sprzątanie mieszkań należących do naszego związku w Reykjavíku i Kópavogur jest wliczone w koszty ich wynajęcia, ale oczywiście należy oddać mieszkanie w schludnym stanie.

Tydzień według własnego wyboru

Związek Zawodowy Eining-Iðja postanowił zarezerwować sumę do wysokości 8.100.000 koron na program pod nazwą "Tydzień według własnego wyboru" w roku 2024. Członkowie związku mogą ubiegać się o 300 tego rodzaju dofinansowań, każde do sumy 27.000 koron. Przydział dofinansowań opiera się na tych samych zasadach, co przydział domków wypoczynkowych. Pieniądże można użyć np. do wynajęcia domku wypoczynkowego, pokoju w hotelu lub przyczepy kempingowej; można także wykorzystać pieniądze do finansowania sobie podróży w czasie urlopu w kraju lub za granicą – według własnego życzenia. Maksymalna kwota na każdego członka związku wynosi – jak wcześniej zaznaczono – 27.000 koron, ale nie więcej niż 50% poniesionych kosztów.

Członkom związku, którzy użyją całej sumy zostanie odjętych 18 punktów; użycie mniejszej sumy spowoduje proporcjonalnie odjęcie mniejszej ilości punktów. Wypłata dofinansowania odbywa się po zakończeniu podróży, a członkowie związku muszą przedstawić rachunki za pobyt lub podróz.

"Tydzień według własnego wyboru" jest skuteczne do końca roku. Oznacza to, że ci, którzy są przydzielane potrzebę wprowadzenia faktur lub bilety na następny rok, aby uzyskać zwrot.

Uwaga! Rachunek należy okazać na legalnym formularzu zawierającym numer VAT (VSK.) !

Podania w formie elektronicznej

W tym roku o przyznanie mieszkań, domków lub dopłat należy ubiegać się w formie elektronicznej na stronie domowej naszego związku: www.ein.is. (Orlofshúsavetur)

W biuletynie zostaną natomiast zamieszczone informacje o oferowanych do wyboru możliwościach oraz instrukcje w formie graficznej mające ułatwić zrozumienie procedur wypełniania podań.

Dostępu do stron zawierających informacje jest możliwy na podstawie wylegitymowania się elektronicznym dokumentem tożsamości lub używając lub używając "Íslykil".

W wypadku wystąpienia trudności przy składaniu podań oferujemy Państwu pomoc w biurach naszego związku.

Zasady działania systemu punktowego

Aby zapewnić maksymalnie sprawiedliwy sposób przydzielania mieszkań, domków i dopłat w okresie urlopowym używany jest tkz. system punktowy, który z biegiem czasu sprawdził się dobrze. Każdy członek otrzymuje jeden punkt za każdy miesiąc w którym opłacił składki na rzecz związku.

Członkowie, którzy mają zgromadzoną największą ilość punktów w czasie rozpatrywania podań brani są pod uwagę w pierwszej kolejności jeśli o dane mieszkanie, domek lub dopłatę ubiega się większa ilość osób.

W przypadku przyznania danemu członkowi związku wyżej wspomnianego prawa do pobytu lub otrzymania dopłaty, od ogólnej sumy zgromadzonych przez niego punktów odejmuje się określoną ich ilość, tak aby jego pozycja na liście ubiegających się uległa przesunięciu w dół. Oczywiście płacąc regularnie składki członkowskie gromadzi on nadal punkty i zapewnia sobie w następnym roku możliwość ponownego ubiegania się o prawo pobytu w mieszkaniu, domku lub otrzymania dopłaty.

Ilość odejmowanych punktów jest różna w zależności od czasu i rodzaju wynajmowanych nieruchomości. Nie są odejmowane punkty za używanie mieszkań lub domków w okresie zimowym.



Wynajem w okresie zimowym

Chociaż lato tradycyjnie jest okresem urlopowym to także inne pory roku brane są pod uwagę, a wiele osób zachowuje część należnych im dni wolnych do wykorzystania jesienią lub w zimie.

Warto tutaj wskazać na 6 atrakcyjnych możliwości wynajmu, które oferowane są dla naszych członków także poza tradycyjnym okresem urlopowym. Mamy tutaj na myśli wynajem domków w Illugastaðir, Tjarnargerði, Húsafelli, Svignaskarði i w Einarstaðir, a także mieszkań w Reykjavíku i Kópavogur.

Prawo do korzystania z urlopu letniego

Wszyscy mają prawo do urlopu, przez okres co najmniej 24 dni roboczych. Gdy pracownik zachoruje w czasie urlopu, okresu choroby nie wlicza się do urlopu, jeśli pracownik przedłoży zwolnienie lekarskie, potwierdzające niemożność korzystania z urlopu. Natychmiast należy zgłosić przełożonemu – telefonicznie lub telegraficznie – jeśli pracownik zachoruje lub ulegnie wypadkowi w czasie urlopu.

Czy podpisałeś/podpisałaś umowę o pracę?


Wszyscy rozpoczynający pracę powinni zawrzeć pisemną umowę o pracę, która zawierać będzie informacje o czasie jej obowiązywania, określenie stanowiska pracy, okres wypowiedzenia umowy, wysokość wynagrodzenia, wymiar zatrudnienia, określenie długość dnia pracy, do którego funduszu emerytalnego wpłacane są składki oraz na podstawie jakiej umowy zbiorowej umowa ta została zawarta.

UWAGA!

Wszystkie sprawy, którymi zajmuje się nasz związek są poufne.

Stoimy na straży przestrzegania Twoich/Waszych praw

Orlofsstaðir Einingar-löju 2024



Ýmsar gagnýtar upplýsingar um orlofshúsnæði Einingar-löju 2024 (með fyrirvara um breytingar)

Eignir félagsins	Stærð	Svefnpl.	Barnarúm	Sængur	Lin	Handklæði	Kútar	Borðbún.	Grill	H. pottur	Wi-Fi	Tímabil	Skipöldagur	Verð
Illugastaðir (6 bústaðir)	45	6-8	já	8	*	*	já	8	já	já	já	7/6 til 23/8	föstudagur	33.000
Illugastaðir, hús nr. 18	80	9	já	9	*	*	já	10	já	já	já	7/6 til 23/8	föstudagur	36.000
Einarstaðir (4 bústaðir)	62	6	já	6	*	*	já	8	já	já	nei	7/6 til 23/8	föstudagur	33.000
Tjarnargerði	100	9	já	10	nei	nei	nei	12	já	já	já	7/6 til 23/8	föstudagur	36.000
Svignaskarð (2 bústaðir)	75/80	8	já	8	nei	nei	já	10	já	já	nei	7/6 til 23/8	föstudagur	33.000
Húsafell	80	8	já	8	nei	nei	já	10	já	já	nei	7/6 til 23/8	föstudagur	33.000
Flókalundur, Vatnsfirði	40	6	já	6	nei	nei	já	8	já	**	nei	7/6 til 23/8	föstudagur	30.000
Átalind 2 - íbúð 203, Kópavogi	96	6	já	6	nei	nei	já	12	nei	nei	já	5/6 til 28/8	miðvikudagur	37.000
Átalind 2 - íbúð 204, Kópavogi	96	6	já	6	nei	nei	já	12	nei	nei	já	5/6 til 28/8	miðvikudagur	37.000
Átalind 2 - íbúð 303, Kópavogi	96	6	já	6	nei	nei	já	12	nei	nei	já	5/6 til 28/8	miðvikudagur	37.000
Átalind 2 - íbúð 304, Kópavogi	96	6	já	6	nei	nei	já	12	nei	nei	já	5/6 til 28/8	miðvikudagur	37.000
Átalind 2 - íbúð 405, Kópavogi	75	4	já	5	nei	nei	já	12	nei	nei	já	5/6 til 28/8	miðvikudagur	37.000
Ásholt 2 - 4. hæð, Reykjavík	108	6	já	7	nei	nei	já	8-10	nei	nei	já	5/6 til 28/8	miðvikudagur	37.000
Leigu- og skiptibústaðir														
Munaðarnes nr. 52	48	5	já	5	nei	nei	nei	10	já	já	já	7/6 til 23/8	föstudagur	33.000
Munaðarnes nr. 36	56	7	já	7	nei	nei	nei	8	já	já	já	7/6 til 23/8	föstudagur	33.000
Brekkuskógur	46	4-6+	já	6	nei	nei	já	10	já	já	já	6/6 til 22/8	fimmtudagur	33.000
Flúðir	76	6	já	6	*	nei	nei	10	já	já	nei	7/6 til 16/8	föstudagur	33.000
Ólfusborgir	45	6	já	6	nei	nei	nei	8	já	já	nei	7/6 til 30/8	föstudagur	33.000
Bjarteyjarsandur	57	6+	já	6+	nei	nei	já	10	já	já	nei	7/6 til 23/8	föstudagur	33.000
Vaðnes	63	5-6	já	6	nei	nei	nei	10	já	já	já	31/5 til 30/8	föstudagur	33.000
Stykkishólmur	72	6	já	6	nei	nei	nei	6	já	nei	já	7/6 til 30/8	föstudagur	37.000
Súðavík	141	10	já	10	nei	nei	já	12	já	nei	já	7/6 til 23/8	föstudagur	30.000
Klifabotn	46	6-8	já	8	nei	nei	nei	12	já	nei	nei	24/5 til 30/8	föstudagur	30.000

* Fæst gegn gjaldi hjá umsjónarmanni

** Heitur pottur við sundlaug

+ Svefnloft, dýnur eða gestarúm.

Punktafrádráttur fyrir hús og íbúðir er 24 fyrir fyrstu tvær vikur og síðustu viku sumarsins en 36 fyrir aðrar sumarvikur.

Athugið!

**ÞAÐ ER BARA HÆGT AÐ SÆKJA UM Á RAFRÆNAN HÁTT
Á VEF FÉLAGSINS WWW.EIN.IS (ORLOFSHÚSAVEFUR)**

**You have to apply online for a holiday chalet or holiday grants
(„week of your own choice“) (Orlof að eigin vali)
on our webpage www.ein.is (Orlofshusavefur)**

**UWAGA! W roku bieżącym ubieganie się o mieszkania
lub domki będzie możliwe jedynie w formie elektronicznej.
www.ein.is (Orlofshusavefur)**

FÉLAGSMENN, TAKIÐ KVÖLDIÐ FRÁ!


- BOÐIÐ VERÐUR UPP Á AKSTUR TIL AKUREYRAR -





**Aðalfundur félagsins verður í
Menningarhúsinu HOFI á Akureyri
Þriðjudaginn 16. apríl kl. **18:30****

Einingar-Íðjufélagar athugið!

Sækja þarf um orlofshús og orlofsstyrki á rafrænan hátt á orlofshúsavefnum, sem er á www.ein.is



Hægt er að skrá sig inn með rafrænum skilríkjum eða íslykli



Ef þú lendir í vandræðum getur þú fengið aðstoð á skrifstofum félagsins.

Reykjavík - Kópavogur

Félagið er nú með til útleigu níu íbúðir á Höfuðborgarsvæðinu. Fimm íbúðir í Kópavogi og fjórar í Reykjavík. Sjúkrasjóður félagsins á þrjár af fjórum íbúðunum í Reykjavík og eru þær notaðar sem sjúkraíbúðir.

Orlofsíbúðirnar eru leigðar viku í senn og eru skiptidagar á miðvikudögum. Sjúkraíbúðirnar eru ætlaðar félagsmönnum sem þurfa að dvelja í höfuðborginni á meðan þeir leita sér lækninga. Þær leigjast eftir því sem félagsmönnum hentar. Ekki er bundið við að leigja í eina viku í senn heldur er hægt að leigja í tiltekinn dagafjölda, þó að lágmarki tvo daga í senn.

Reykjavík

Félagið á tvær íbúðir í Ásholti 2 í Reykjavík. Önnur íbúðin er notuð sem sjúkraíbúð og er á 3. hæð. Hin íbúðin er á 4. hæð og er einstaklega glæsileg. Hún er fjögurra herbergja, 107 fermetrar að stærð. Sér bílastæði í bílakjallara fylgir íbúðunum.

ATH! Gengið er inn í húsið frá Laugavegi.

Sjúkrasjóður félagsins er einnig með tvær íbúðir í notkun í Sóltúni 30. Íbúð sem er á 3. hæð er fjögurra herbergja, 87 fermetrar að stærð. Íbúð sem er á 2. hæð í húsinu er þriggja herbergja, 85 fermetrar að stærð.

Kópavogur

Félagið á fimm íbúðir í fimm hæða fjölbýlishúsi sem stendur við Álalind 2 í Kópavogi. Um er að ræða fjórar fjögurra herbergja íbúðir og eina þriggja herbergja íbúð. Sér bílastæði í bílakjallara fylgir hverri íbúð. Fjögurra herbergja íbúðirnar eru 96 fermetrar að stærð en þriggja herbergja íbúðin er 75 fermetrar.



Sóltún.



Ásholt

Síðasti skiladagur umsókna vegna orlofskosta er

þriðjudagurinn 2. apríl nk.

Úthlutun fer fram daginn eftir.

Peir sem fá úthlutað þurfa að ganga frá greiðslu í síðasta lagi

mánudaginn 15. apríl nk.

Miðvikudaginn 17. apríl kl. 10:00 verður opnað á netinu fyrir það

sem enn verður laust. Þá gildir fyrstur pantar, fyrstur fær.

Stykkishólmur



Um er að ræða íbúð í raðhúsi, um 72 fermetrar að stærð. Á neðri hæð er hjóna-herbergi með tvíbreiðu rúmi, gestaherbergi með tveimur einbreiðum rúmum og baðherbergi með sturtu. Á efri hæð er stofa/borðstofa og eldhús í samfelldu rými svo og gestaherbergi með rúmi, samtals svefnpláss fyrir sex. Í stofu er sófi og stofustóll, eldhúsborð og stólar. Út frá efri hæð eru svalir með svalarhúsgögnum og gasgrilli.

Í nágrenninu er hægt að stunda afþreyingu á borð við gönguferðir. Golfvöllur er að finna í 1,1 km fjarlægð frá gististaðnum. Þá er vert að benda á áhugaverðan valkost sem er að nota Breiðafjarðarferjuna Baldur en hún siglir milli Brjánslækjar í Vatnsfirði og Stykkishólms með viðkomu í Flatey. Þarna eru því margir möguleikar á styttri og lengri ferðum fyrir dvalargesti.

Svignaskarði í Borgarfirði



TVÖ HÚS Í BOÐI



Borgarfjörðurinn hefur um árabil notið vinsælda sem sumarvalarstaður. Þar er öll þjónusta við ferðamenn í föstum skorðum og ganga má að gæðunum vísum en um leið fjölbreytni og frumleika. Stór orlofshúshverfi hafa byggst upp í Borgarfirðinum á vegum fjölmargra stéttarféлага og landssambanda. Eitt þessara orlofshúshverfa er í Svignaskarði.

Eining-löjla á nú tvö hús á svæðinu. Húsin eru glæsileg, 75 og 80 fermetra með öllum helstu þægindum og heitum potti. Stærri húsið var tekið í notkun í desember 2021 og hitt fyrir nokkrum árum.

Leiktæki fyrir börn er víða að finna á þessu svæði, tveir sparkvellingir eru í hverfinu, ærslabælgur og mínigolfvöllur. Margar skemmtilegar gönguleiðir liggja frá orlofshúsum og stutt er í frábærar sundlaugar, til dæmis í Borgarnesi og á Varmalandi. Í Borgarfirðinum er margt að sjá og mjög fjölbreyttir möguleikar til afþreyingar og útiveru. Golfvöllur er að Hamri, rétt utan við Borgarnes og hestaleigur eru nokkrar í næsta nágrenni. Þá er víða hægt að kaupa ódýr veiðileyfi í vötn í nágrenninu. Ferðir á Langiökul njóta einnig vinsælda og þannig mætti lengi telja. Borg á Mýrum og Reykholt eru meðal þekktustu staða Íslandssögunnar og Grábrókarhraun, Hreðavatn, Baula, Barnafossar, Surtshellir, Glanni og Paradísarlaut eru meðal helstu náttúruperla landsins.

Munaðarnes Borgarfirði



TVÖ HÚS Í BOÐI –
ANNAN HÚSIÐ ER NÝR
ORLOFSKOSTUR
SUMARIÐ 2024

Orlofshúshverfið í Munaðarnesi hefur notið vinsælda meðal landsmanna um árabil enda er þjónusta við ferðamenn á þessu svæði komin í mjög fastar skorður, aðstaðan eins og best verður á kosið og möguleikarnir óþrjótandi. Eining-löjla hefur til umráða tvö hús í Munaðarnesi. Heitur pottur er við húsin. Það sem fram kemur í umfjöllun um kosti og möguleika sem fylgja dvöl í orlofshúsum í Svignaskarði í Borgarfirði gildir alveg jafnt um orlofshúsið sem félagið hefur til umráða í Munaðarnesi.

Fjölmargir möguleikar eru til afþreyingar og slökunar í Borgarfirðinum sem of langt mál væri að telja upp hér. Veðursæld Borgarfjarðar er mikil og skjólgott í orlofshúshverfunum. Margar skemmtilegar gönguleiðir eru í nágrenni orlofshúshverfanna, til dæmis upp með hinni frægu og fögru Norðurá. Í Borgarnesi er síðan ein af glæsilegustu sundlaugum landsins.

Borgarfjörðurinn hefur upp á fjölmargt annað að bjóða, hvort heldur dvalargestir eru að leita eftir menningarviðburðum, sögustöðum, náttúrufyrirbærum, útivistarmöguleikum eða annarri afþreyingu til að lífga upp á sumarfríð.

Sumarhúsið er vel útbúið að innan og með heitum potti, stórrri verönd og úti-grilli. Það er í fjallshlíð mót suðri og er útsýnið afar fagurt. Góðar gönguleiðir eru í nágrenninu.

Hvalfjörður er djúpur og svipmikill fjörður inn af Faxaflóa – friðsæl náttúruperla steinsnar frá höfuðborginni. Möguleikar til útivistar og náttúruupplifunar eru miklir og fjölbreyttir – og hér lúrir sagan við hvert fótstap. Glymur, hæsti foss landsins, er í botni Botnsdals.

Bjarteyjarsandur í Hvalfirði



Á árinu 2022 hófust framkvæmdir við nýtt orlofshús félagsins í Húsafelli og var það tekið í notkun í október 2023. Þetta er fyrsta húsið sem félagið eignast á svæðinu og er það allt hið glæsilegasta. Undanfarin ár hefur félagið tekið á leigu hús á svæðinu og hefur mikil eftirspurn verið eftir þessum stað og því er þetta góð viðbót við orlofskosti sem félagið á.

Nýja húsið er um 83 fermetrar að stærð með öllum helstu þægindum, stórum palli og að sjálfsgöðu er heitur pottur við húsið. Svefnherbergi eru þrjú, tvö hjónaherbergi og í báðum eru tvö 80 cm rúm sett saman og eitt herbergi með koju á þremur hæðum, neðsta kolan er 120 cm en tvær efri eru 80 cm breiðar. Svefnpláss er fyrir átta manns. Eldhús og stofa eru í sama rýminu.

Húsafell í Borgarfirði

NÝTT



NÝTT HÚS SUMARIÐ 2024

Gott að hafa í huga...

Komutími – brottför

Skoða þarf vel á leigusamninga auglýsta tími yfir komutíma og brottför. Mismunandi tími getur verið á milli staða.

Snjallásar/Lyklabox/lyklar

Snjallásar eru á íbúðum félagsins á Höfuðborgarsvæðinu og lyklabox eru á öllum húsum og bústöðum sem félagið er með nema í Tjarnargerði, upplýsingar koma fram á leigusamningi. Lykla af Tjarnargerði þarf að nálgast á skrifstofum félagsins.

Umgengni og frágangur

Orlofshúsin eru sameign okkar allra og það er nauðsynlegt að við sameinumst um að ganga um þau með því hugarfari. Mikilvægt er að hafa það að leiðarljósi að skilja við þau eins og þið viljið koma að þeim. Orlofshúsagestir eru vinsamlegast beðnir um að reykja ekki né veipa innanhúss.

Fyrirtækið Sólar ehf. hefur umsjón með íbúðum félagsins á höfuðborgarsvæðinu. Leigjandi þarf ekki að þrifa íbúðina eftir leigutíma, en auðvitað þarf að skila henni full frágenginni og snyrtilegri.

Félagsmenn þurfa sjálfir að þrifa orlofshús félagsins áður en þeim er skilað. Orlofshúsin eru sameign okkar allra og er nauðsynlegt að við sameinumst um að ganga um þau með því hugarfari. Mikilvægt er að hafa það að leiðarljósi að skilja við þau eins og þið viljið koma að þeim. Verði vanhöld á þrifum, að mati umsjónarmanns á viðkomandi svæði, má búast við að leigutaki þurfi að borga þrifagjald.

Allar upplýsingar um leiguna koma fram á samningi sem viðkomandi fær þegar hann leigir íbúð eða orlofshús hjá félaginu.

Komið ábendingum og athugasemdum, ef einhverjar eru, til umsjónarmanna eða á félagið.

Reykskynjarar eru lífsnauðsynleg tæki í öllum húsum og hafa löngu sannað gildi sitt. Aldrei má taka rafhlöður úr þeim nema setja nýjar í staðinn eða láta umsjónaraðila eða skrifstofu félagsins vita. Munið að þessi smátæki hafa skipt sköpum og jafnvel bjargað mannlífum. Þess vegna verða þau að virka rétt.

Bannað! Leigutakar nýti sjálfir ásamt fjölskyldum og eða vinum hús sem þeir fá úthlutað. Framsal til annarra getur valdið því að viðkomandi félagsmaður verði útilokaður frá úthlutun framvegis. Það á einnig við ef leigutakar brjóta almennar reglur og skyldur sem þeir takast á hendur við leigu orlofshúsa.

Dýrahald bannað!

Stranglega er bannað að hafa með sér hunda og önnur gælu-dýr í alla orlofskosti félagsins. Dæmi eru um að slæm ófnæm-istilfelli hafi komið upp í kjölfar slíks.

Ábyrgð

Leigutaki ber ábyrgð á húsinu og öllu sem því fylgir.

Hafið samband

Hafi leigutaki einhverjar athugasemdir eða ef eitthvað vantar í húsin þá vinsamlegast látið umsjónarmenn á viðkomandi stað vita. Einnig er hægt að hafa samband við félagið í síma 460 3600.

Flúðir



Félagið er með á leigu stórt og fínt hús á Flúðum. Stór pallur er við húsið með útihúsgögnum og gasgrilli. Húsið er 76 fermetrar að stærð og í því eru þrjú svefnherbergi; tvö með hjónarúmi og eitt með kojum. Sex manns geta gisti í húsinu. Barnarúm og barnastóll er í húsinu.

Í grenndinni eru golfvöllir, hótél, kaffihús/bar, verslun, upplýsingamiðstöð fyrir ferðamenn, sundlaug og íþróttahús. Margir sögufrægir staðir og náttúruvættir eru í næsta nágrenni svo sem Þjórsárdalur, Skálholt, Gullfoss og Geysir.

Ölfusborgir



Í fögru umhverfi Hveragerðis og nágrennis er rótgróið orlofshúsaðverfi, Ölfusborgir, sem margir kannast við af eigin reynslu eða af afspurn. Það sama gildir um þetta svæði og önnur orlofshúsaðverfi í Árnassýslunni að þaðan er stutt í alla hugsanlega þjónustu og stutt í margar af helstu náttúruperlum landsins.

Orlofshúsið sem félagsmenn Einingar-löju geta tekið á leigu í Ölfusborgum er 50 fermetrar að stærð með sex svefnplássum og barnarúmi.

Knattspyrnuvöllur og leikaðstaða fyrir börn er sameiginleg á svæðinu.

Úr Ölfusborgum er stutt til margra þorpa og kaupþúna á Suðurlandi. Eins eru margar skemmtilegar gönguleiðir í nágrenninu. Ýmislegt er í boði fyrir ferðamenn í Hveragerði, sem er rétt hjá orlofssvæðinu. Þar er m.a. sundlaug með vatnsrennibraut.

Brekkuskógur í Biskupstungum – Endurnýjað hús –



Biskupstungurnar eru á meðal vinsælustu orlofssvæða á landinu og ekki að ástæðulausu. Svæðið hefur upp á allt það að bjóða sem orlofshúsagesti kann að vanhaga um eða langa til að gera; góða aðstöðu, fallett umhverfi og fjölbreytta möguleika til þess að njóta þess sem hver og einn vill fá út úr fríinu sínu. Eining-löju hefur til afnota eitt orlofshús í Brekkuskógi sem búið er að endurnýja að innan. Í húsinu er forstofa og stofa og eldhús í sama rými, baðherbergi með sturtu. Herbergi er með hjónarúmi og á svefnlofti eru tvö rúm sem hægt er að færa saman og tvær auka dýnur. Útipallur er með útihúsgögnum og heitum potti. Þvottavél má finna í þjónustumiðstöð.

Lítill leikvöllur er á svæðinu og aðstaða til að spila minigolf.

Stutt er úr Biskupstungunum yfir í byggðakjarnann við Laugarvatn og raunar má segja að „stutt“ sé úr Biskupstungunum um allt Suðurland þar sem margar af helstu náttúruperlum landsins er að finna. Í Árnassýslu er jafnframt umfangsmikil þjónusta við ferðamenn og því af nógu að taka fyrir þá sem dvelja í orlofshúsum í Brekkuskógi og vilja leita sér afþreyingar í nágrenninu.



Dýrahald bannað!

Stranglega er bannað að hafa með sér hunda og önnur gæludýr í alla orlofskosti félagsins. Dæmi eru um að slæm ofnæmistilfelli hafi komið upp í kjölfar slíks.



Félagið hefur tekið á leigu sumarhús á skemmtilegum stað í Grímsnesi, nálægt Kerinu. Húsið er í orlofshúsasvæðinu Vaðness sem er fallett gróið svæði í miðju Grímsnesinu. Þar er m.a. leiksvæði með fótboltavelli, rólum o.fl.

Húsið er 63 fermetrar að stærð með gistinguöguleika fyrir 5 til 6, þ.e. fyrir utan barnaferðarúm. Húsið er með þremur svefnherbergjum, tvö með tvíbreiðum rúmum og eitt með kojum. Engar aukadýnur eru í húsunum.

Vaðnes

NÝTT**NÝTT HÚS
SUMARIÐ 2024**

Útilegu- og veiðikort

**ATH.:
EINGÖNGU TIL SÖLU Á
ORLOFSVEF FÉLAGSINS!**

Sumarið 2024 býður Eining-löjla félagsmönnum enn og aftur upp á að kaupa Útilegukortið og Veiðikortið á sérkjörum. Með því að kaupa kortið hjá félaginu geta félagsmenn því sparað verulega. Kaupa þarf kortin í gegnum Mínar síður eða Orlofsvefinn, þá sendist pöntun til viðkomandi söluaðila sem senda kortin til félagsmanna.

Verð til félagsmanna liggur ekki fyrir en verða sett á heimasíðuna um leið og það liggur fyrir.

Útilegukortið gildir á viðkomandi tjaldsvæðum á meðan tjaldsvæðin eru opin fyrir almenning út árið 2024, en þó ekki lengur en til 15. september. Kortið veitir tveim fullorðnum og fjórum börnum undir 16 ára aldri fría gistingu á tjaldsvæðum samstarfsaðila Útilegukortsins í allt að 28 gistinguætur á hverju starfsári þess. Engin takmörk eru fyrir því hve oft má koma á hvert tjaldsvæði innan gistinguættanna 28 en einungis má gista í fjórar nætur samfelld í hvert skipti. Útilegukortið gildir fyrir tjöld, tjaldvagna, fellihýsi, hjólhýsi og húsbíla.



Ath! gistinguáttaskattur er ekki innifalinn í Útilegukortinu.

Allar upplýsingar um kortið má fá á vefsíðunni www.utilegukortid.is

Veiðikortið er mjög hagkvæmur valkostur sem hentar jafnt veiðimönnum sem fjölskyldufólki. Með Veiðikortið í vasanum er hægt að veiða nær ótakmarkað í 36 veiðivötnum víðsvegar um landið sem og tjalda endurgjaldslaust við mörg þeirra.



Allar frekari upplýsingar og lista um veiðisvæði má nálgast á www.veidikortid.is

Bæði kortin verða eingöngu til sölu á orlofsvef félagsins!

Athugið að gott er að panta með góðum fyrirvara. Það getur tekið allt að viku, jafnvel rúmlega það, að fá kort með póstinum.

Einarsstaðir á Héraði



Viðfræg veðurlíða Fljótsdalshéraðs ásamt náttúrufegurð ætti að tryggja ánægjulega dvöl í orlofshúsunum á Einarsstöðum á Héraði. Óhætt er að fullyrða að Fljótsdalshérað er eitt hið veðursælasta á landinu. Í orlofshúshverfinu á Einarsstöðum á Eining-löja fjögur hús. Tvö þeirra voru algjörlega endurnýjuð og stækkuð lítillega veturinn 2019-2020 og tvö veturinn 2020-2021. Þannig að frá og með sumrinu 2021 var búið að endurnýja öll húsin. Óhætt er að segja að húsin eru stórglæsileg. Eftir stækkun eru þau um 62 fermetrar að stærð.

Einarsstaðir hafa notið mikilla vinsælda sem orlofsdvalarstaður og hafa verið með eftirsóttustu stöðum félagsins, meðal annars vegna hinnar rómuðu veðurlíðu. Einarsstaðir eru einnig vel staðsettir fyrir þá sem vilja nýta friið í að ferðast og njóta þess að skoða nokkrar af helstu náttúruperlum landsins, en vilja um leið hafa fastan samastað í orlofshúsi. Margar af helstu náttúruperlum Austfirðinga eru innan seilingar og af Héraði er stutt til allra staða á Austurlandi. Frá Einarsstöðum er jafnframt stutt í alla nauðsynlega þjónustu og afþreyingu fyrir ferðamenn því staðurinn er aðeins tólf kílómetrum sunnan Egilsstaða, miðja veginni milli Egilsstaða og Hallormsstaða.



Klifabotn í Lóni



Orlofshúsasvæðið Klifabotn í Lóni hefur reynst vinsælt meðal félagsmanna Einingar-löju. Þar ríkir enda skaffellsk kyrrð og veðursæld í skjóli stærsta jökuls Evrópu, Vatnajökuls. Klifabotn, er í Þórisdal í Lóni, skammt austan við Laxá, og stendur við Strandaháls sem er hluti af Sveitarfélaginu Hornafirði. Eining-löja hefur til umráða eitt hús í Klifabotni, rúmgott og vel búið. Í hverfinu er leikvöllur fyrir börnin og sameiginleg gufubaðsstofa fyrir orlofshúsa-byggðina.

Um 30 kílómetrar eru frá Klifabotni að Höfn í Hornafirði en þar er fjölbreytt þjónusta, meðal annars sundlaug og golfvöllur. Svæðið býður upp á skemmtilega ferðamöguleika, hvort heldur fólk vill ferðast á bílum, hestum eða á tveimur jafnfljótum.

Umhverfið er ægífast og stórbrotið og meðal annars stutt í hin rómuðu Lónsöræfi. Fjallahringurinn, sem skýlir Lónsbúum og gestum þeirra, er fagur með Eystra- og Vestra-Horn sem útverði.



Illugastaðir í Fnjóskadal



EITT STÆRRA HÚS Í BOÐI

Orlofshúsabyggðin á Illugastöðum í Fnjóskadal er fyrir löngu kunn flestum landsmönnum, svo margir hafa dvalið þar eða litið við hjá vinum og kunningjum sem þar hafa dvalið. Illugastaðir eru sívinsæll sumardvalarstaður og vert að benda á að félagið á þar eitt hús ætlað fyrir fatlaða einstaklinga, hús nr. 26. Eining-löjja á fjórtán orlofshús á Illugastöðum sem öll eru með heitum pottum. Nokkur þeirra eru leigð til annarra stéttarfélaga yfir sumarið í skiptum fyrir orlofshús annars staðar á landinu. Illugastaðir eru ákaflega vinsæll orlofsdvalarstaður, ekki síst meðal félagsmanna Einingar-löjju, enda er ekki löng ferð úr Eyjafirðinum yfir í Fnjóskadal sem státar af náttúruvegur og er dalurinn sannkölluð perla fyrir náttúruunnendur, sérstaklega þá sem hafa áhuga á gönguferðum, jafnt að sumri sem vetri.

Í orlofshúsum félagsins á Illugastöðum eru svefnpláss fyrir sex til átta manns í hverju húsi. Tvö svefnherbergi eru í húsinu, í öðru þeirra er eitt tvíbreitt rúm og í hinu eru tvær kojur fyrir tvo. Auki er svefnsofi í stofunni. Frá og með sumrinu 2022 er í boði eitt stærra hús, með þrjú svefnherbergi og um 80 fermetra að stærð. Gistipláss er fyrir níu manns í þessu stórglæsilega húsi.

Á Illugastöðum er meðal annars sundlaug með heitum pottum. Leikvöllur er á svæðinu með leiktækjum fyrir börnin og þar má m.a. finna ærslabél. Stutt er yfir í Vaglaskóg og eru miklir möguleikar til gönguferða á svæðinu.



Tjarnargerði í Eyjafjarðarsveit



Sumum hentar betur að komast í orlofshús í næsta nágrenni við heimabyggð sína í stað þess að þurfa að aka um langan veg. Fyrir þá sem eru tímabundnir en vilja samt komast í gott frí og róandi umhverfi er nokkurra ára gamalt hús, Tjarnargerði í Eyjafjarðarsveit, mjög góður kostur.

Húsið er vel búið með heitum potti og með öllum þeim þægindum sem flestir vilja hafa í orlofshúsum. Í húsinu er svefnpláss fyrir níu manns. Ekki þarf að spyrja að náttúruvegurinn fremst í Eyjafirðinum og frá Tjarnargerði er til dæmis örstutt í Leyningshóla og fleiri náttúruperlur. Í Tjarnargerði sameinast þeir kostir að þangað tekur stuttan tíma fyrir félagsmenn Einingar-löjju að fara og þar er gott að vera, slaka á og safna orku í sumarfríinu.



Súðavík



Um er að ræða gamalt einbýlishús. Í stofu er sófasett, svefnsofi og sjónvarp ásamt öðrum húsbúnaði. Eldhúsið er fullbúið og borðbúnaður fyrir 12 manns. Svefnpláss er fyrir 10 ásamt sængum og koddum.

Segja má að Súðavík sé nokkuð miðsvæðis á norðanverðum Vestfjörðum þannig að dvöl þar er góður kostur fyrir þá sem vilja nýta fríð sitt í að ferðast og skoða sig um á Vestfjörðum og þar er vissulega um marga skemmtilega staði að velja.

Stutt er frá Súðavík til Ísafjarðar og jarðgöngin gera það að verkum að auðvelt er að ná yfir stærri hluta Vestfjarðakjálkans og ferðast um sunnanverða Vestfirði þegar dvalið er í Súðavík.

Flókalundur í Vatnsfirði



Líklega þekkja færri fegurð Vestfjarðakjálkans af eigin raun en ýmis önnur svæði á landinu, en fegurðin er ekki minni fyrir þá sök! Vatnsfjörður á Barðaströnd er fullur af sögu og þar er fagurt um að litast. Flókalundur í Vatnsfirði hefur um árabil verið meðal vinsælli sumardvalarstaða landsins. Vatnsfjörður er á Barðaströnd - á „suðurströnd“ Vestfjarðanna - og þar er veðursælt, gróður-sælt og skjólgott. Fjölmargir áhugaverðir staðir eru í nágrenninu og má nefna Látrabjarg og Rauðasand. Ótal tækifæri eru fyrir þá gesti sem njóta vilja náttúruskoðunar og sagan er við hvert fótímal í Vatnsfirði. Þar er talið að Hrafna-Flóki hafi dvalið þegar hann gaf Íslandi nafn og þá meðal annars gengið upp á Lónfell.

Á svæðinu er sundlaug. Vert er að benda á áhugaverðan valkost sem er að nota Breiðafjarðarferjuna Baldur en hún siglir milli Brjánslækjar í Vatnsfirði og Stykkishólms með viðkomu í Flatey. Það eru því margir möguleikar til styttri og lengri ferða fyrir þá sem dvelja í orlofshúsum í Vatnsfirði.

Félagsmenn Einingar-Íðju á almenna vinnumarkaðinum*

Rafræn atkvæðagreiðsla um nýjan kjarasamning
við Samtök atvinnulífsins,
stendur yfir á heimasíðu félagsins, www.ein.is,
til kl. 9:00 miðvikudaginn 20. mars nk.

Kæru félagar – valdið er ykkar!
Sýnum samstöðu og greiðum atkvæði!

* Atkvæðagreiðslan er fyrir félagsmenn sem starfa á almenna markaðinum, ekki er búið að semja fyrir þá sem starfa hjá ríki eða sveitarfélögum.

EINING-ÍÐJA STENDUR VÖRÐ UM RÉTTINDI ÞÍN!

460 3600 | ein@ein.is | www.ein.is | minarsidur.ein.is

Skipagötu 14 Akureyri | Hafnarbraut 5 Dalvík | Eyrargötu 24b Fjallabyggð



Ferðaávisun

Á orlofsvef félagsins geta félagsmenn keypt ferðaávisun sem tryggir bestu kjörin á gistingu á fjölmörgum hótélum og gistiheimilum um allt land. Einnig er hægt að nota ferðaávisunina upp í gönguferðir, en samið var við Ferðafélag Íslands, Útivist og Fjallafjör um að taka við Ferðaávisun stéttarfélagana. Félagsmenn njóta sérkjara á völdum ferðum en einnig má nota Ferðaávisun upp í hvaða ferð sem er á vegum þessara fyrirtækja.

Félagsmenn skrá sig inn á orlofsvef Einingar-löju og kaupa þar ferðaávisun sem hægt er að nota upp í gönguferðir eða gistingu á tugum hótela og gistiheimila í öllum landsfjórðungum, án þess að festa dagsetningu dvalarinnar. Þeir velja upphæð ávisunarinnar og greiða fyrir. Þeir bóka því næst gistingu á þeim stað sem þeim hugnast en herbergi, þjónusta og verð er breytilegt á milli gististaða. Félagið niðurgreiðir gistinguna um 20% af valinni upphæð. Niðurgreiðslan getur að hámarki verið 15.000 krónur á hverju almanaksári.

Margt í boði

Í boði er allt frá einfaldri gistingu á litlum gistiheimilum upp í vegleg hótélherbergi með fullri þjónustu og dýrindis morgunverði. Einnig er hægt að velja upphæð að eigin vali, til dæmis 5.000 eða 15.000 krónur, og nota hvar sem er þegar land er lagt undir fót. Ávisunin veitir aðgang að bestu tilboðum þessara hótela og gistiheimila. Valið er þitt.

Ef umrætt hótél eða gistiheimili er fullt, eða ef ferðaáætlunin tekur breytingum þegar nær ferðinni dregur, er hægt að nota ávisunina hjá hvaða samstarfsaðila sem er, hvenær sem gistiþláss er laust og með hvaða tilboði sem er. Þannig hafa félagsmönnum verið tryggð bestu hugsanlegu kjör og útilokað að þeir fari á mis við betri tilboð.

Frístundakortin

Einnig verður félagið þarna inni með til sölu Útilegukortið og Veiðikortið. Kaupa þarf kortin í gegnum Orlofsvefinn, þá sendist pöntun til viðkomandi söluaðila sem senda kortin til félagsmanna. Athugið að gott er að panta kortin með góðum fyrirvara. Það getur tekið allt að viku, jafnvel rúmlega það, að fá kort með póstinum.

Á heimasíðu félagsins má finna nánari upplýsingar um ferðaávisunina og ferðakortin, m.a. spurningar og svör um ferðaávisunina.

Ekki hika við að hafa samband ef þig vantar aðstoð.



Ávisun á frábært frí

Á orlofshúsavefnum geta félagsmenn keypt ferðaávisun sem tryggir bestu kjörin á gistingu á hótélum og gistiheimilum um allt land.

Ferðaávisunina er líka hægt að nota upp í gönguferðir hjá Ferðafélagi Íslands, Útivist og Fjallafjör.

Sjá nánar á www.ein.is

Mínar síður Einingar-löju

Sjúkra- og fræðslusjóður



Sendu þínar umsóknir
rafrænt til okkar!

460 3600 | ein@ein.is | www.ein.is